





JOHN CARTER BROWN  
LIBRARY



Vartan Gregorian  
EIGHTEENTH-CENTURY  
BOOK FUND





14774  
D. Teniente a el D. J. V. de  
Augusto Encarnación

200-  
FRM

14774/  
38398

200-  
FRM

JC8  
18-29



6  
DIE V. MAIJ.

OFFICIUM PROPRIUM,  
IN FESTO  
S. PIJ V. PONTIF.  
SEMIDVPLEX

DE PRÆCEPTO, TAM SÆCVLARIBVS,  
quàm Regularibus, qui ad Horas Canonicas te-  
nentur.

---

*Omnia de communi Con-  
fessoris Pontificis, præter ea,  
quæ hic apponuntur propria.*

ORATIO.

**D**Eus, qui ad conte-  
rendos Ecclesiæ tuæ  
hostes, & ad Divinum Cul-  
tum reparandum Pium V.  
Pontificem Maximum eli-  
gere dignatus es: fac nos  
ipsius defendi præsidij, &  
ita tuis in hæcere obse-  
quijs, vt omnium hostium  
superatis insidijs, perpe-  
tua pace lætemur. Per Do-  
minum nostrum, & c.

IN I. NOCT.

*Lectio de Scriptura occur-  
rente.*

IN II. NOCT.

*Lectio iv.*

**P**lus in oppido Insu-  
bria, quod Boschum  
vocant, natus sed è Bono-  
nia oriundus ex nobili  
Ghisleriorum familia, cū  
quatuordecim esset anno-  
rum, Ordinem Prædica-  
torum, ingressus est. Erat  
in eo admirabilis Pacien-  
tia profunda humilitas,  
summa vitæ austeritas,  
con-



continuum Orationis studium, & regularis observantiae, ac divini honoris ardentissimus zelus. Philosophiae verò, ac Theologiae incumbens, adeo in ijs excelluit, ut illas docendi munus magna cum Laude per multos annos exercuerit. Sacras conciones pluribus in locis cum ingenti auditorum fructu habuit. Inquisitoris officium inviolabili animi fortitudine diu sustinuit, multasque Civitates, non sine vitae discrimine ab hæresi tunc grassante immunes servavit.

℞. Inveni David servum meum, & c.

*Lectio v.*

**A** Paulo IV. cui ob eximias virtutes, charissimus erat, ad Nepesinum, & Sutrinum Episcopatum promotus, & post bieniū inter Romanæ Ecclesiæ Presbyteros Cardinales

ad scriptus fuit. Tūm ad Ecclesiam montis regalis in subalpinis à Pio IV. translatus, cum plures in eam abusus irrepsisse cognovisset, totam Diœcesim lustravit, rebusque compositis, Romam reversus, gravissimis expediendis negotijs applicatus, quod justum erat, Apostolica libertate, & constantia decernebat. Mortuo autem Pio; præter omnium expectationem electus Pontifex nihil in vitae ratione, excepto exteriori habitu, immutavit. Fuit in eo Religionis propagandæ perpetuum studium, in Ecclesiastica disciplina restituenda indefessus labor, in extirpandis erroribus assidua vigilantia, in sublevandis egentium necessitatibus indeficiens beneficentia, in Sedis Apostolicæ juribus vindicandis robur invictum.

℞. Po-



℞. Posui adjutorium, & c.

*Lectio vi.*

**S**Elimum Turcarum Tyrannum multis elatum victorijs, ingente cōparata Classe, ad Echina-das Insulas, non tam armis, quàm fuis ad Deum precibus devicit. Quàm victoriam, ea ipsa hora qua obtenta fuit, Deo revelantè cognovit, suisque familiaribus indicavit. Dùm verò novam in ipso Turcas expeditionem moliretur, in gravem morbum incidit, & acerbissimis doloribus patientissimè toleratis, ad extrema deveniens, cùm sacramenta de more suscepisset, animam Deo placidissimè reddi-

dit, anno millesimo quingentesimo septuagesimo secundo, ætatis suæ sexagesimo octavo, cùm sedisset annos sex, menses tres, dies viginti quatuor. Corpus ejus in Basilica Sanctæ Mariæ ad Præsepe summa fidelium veneratione colitur, multis à Deo ejus intercessione patratis miraculis, quibus ritè probatis à Clemente XI. Pontifice Maximo Sanctorum numero adscriptus est.

℞. Iste est, qui ante, & c.

IN III. NOCT.

*Homilia in Evangelium: Homo peregrè, de eodem communi 1. loco.*

---

DECRETVM VRBIS, ET ORBIS.

**V**T magis, magisque promoveatur cultus, ac veneratio, atque Fidelium maior devotio erga S. Pium Papam Quintum, ex Ordine Prædicatorum à SS. D. N. Clemente Papa XI. nuper in Sanctorum albo solemniter adscriptum. Reverendissimus Pater  
An-



Antonius Colche, Magister Generalis totius prædicti Ordinis, eidem Sanctissimo demissè supplicavit, vt concedere dignaretur dictum Sanctum Pium describi in Martyrologio Romano die 5. Maij cum elogio sanctitati suæ benè viso, vtque Officium ejusdem S. Pij cum Oratione, & Læctionibus secundi Nocturni proprijs à S. R. C. approbatis, & jam aliquibus Civitatibus, & Diœcesibus concessum, extendatur ad Ecclesiam Universalem sub ritu semiduplici de præcepto recitandum ab omnibus vtriusque sexus, tam Sæcularibus, quàm Regularibus, qui ad Horas Canonicas tenentur, & cum sanctitas sua supplicationem, ac instantiam remiserit ad S. R. C. eadem S. C. oratoris instantiæ indulgeri posse censuit, tam pro appositione in Martyrologio dicti S. Pij cum elogio, quàm pro extensione Officij cum Oratione, & Læctionibus proprijs secundi Nocturni ad Ecclesiam Universalem sub ritu semiduplici de præcepto, vt supra recitandi, si SS. D. N. videbitur. Die 28. Januarij 1713.

---

*Factaque deinde per me infrascriptum pro Secretarium de prædictis SS. D. N. relatione, sanctitas sua benigne annuit. Die 17. Februarij ejusdem anni 1713.*

G. Card. Carpineus.


Loco ✕ Sigilli.

C. Collicola S. R. C. pro Secret.



(53)

7





BA700  
C3630

